

# FESOOTAIGA FAAOPOOPO E LĒ VAVALALATA

Na e iai i le nofoaga lava e tasi (Nofoaga ua Afaina) i le taimi lava e tasi ma le tagata ua pesia i le COVID-19. O gaoigaga nei e tatau ona e faia.

## Nofo i le fale ma fai se siaki?

*E lē totogia le faiga o siaki*

### IOE

Nofo i le fale, vave fai le siaki i le aso 5.  
Nofo i le fale seia maua atu iuga o le siaki e te lē o aafia.

E tatau ona vave fai lau siaki i le aso lima (5) pe a mavae le aso mulimuli na e latalata ai i se tasi ua aafia i le COVID-19.

**Nofo i le fale** seia maua atu iuga o le siaki e faamaonia ai e te lē o aafia (aso 5 poo tua atu) ma taumafai e faamamao ese mai tagata o loo tou nonofo faatasi.

O lona uiga e lē mafai ona e tuua lou fale mo galuega po o faamalositino i fafo. Fai lau faatau i luga o le initaneti pe fai i nisi o lou aiga / uo e fai lau faatau ma au talavai ma faataatia i le faitotoa.

**Siaki ua faamaonia** ua aafia: Ua e aafia i le COVID-19 (O le a faafesootai atu oe e le Public Health).

O loo maua le **fesoasoani tau tupe** mo tagata e moomia ona nonofo i le fale ona o le COVID-19.

## Āuga e mataala i ai?

### IOE

Mo le 14 aso ina ua tuanai le taimi na e latalata ai i le tagata ua aafia i le COVID-19.

O āuga o le COVID-19 e mafai ona tasi pe sili atu āuga e te maua ai e pei ona ta'ua: *Amata ona tale pe ua faateteleina le tale, fiva, tau lē lava le mānava, tiga le faaī, tafe le isu, lē lagona mo se taimi lē tumau le manogi/tofo o se mea.*

O nisi tagata e ono faalogoina tulaga nei: *Manava tatā, tiga le ulu, tiga maso o le tino, faaufau, fenumiai le mafaufau, illitata gofie le tino.*

Afai ua amata ona aliae āuga ia te oe – tusa lava pe afai e leai se faamaoniga ua e aafia mai se siaki na fai – ia vave loa ona toe fai se isi siaki ma nofo i le fale, faamamao ese mai isi o loo tou nonofo faatasi pe a mafai, seia:

- E maua atu iuga o se siaki e te lē o aafia, **ma le**
- Tuanai ai o le 24 itula talu ona te'a āuga na e maua ai.

Mo faamatalaga e uiga i nofoaga e fai ai siaki vili le Healthline (0800 358 5453) pe tagai i le [healthpoint.co.nz/covid-19/](https://healthpoint.co.nz/covid-19/)

## E iai se mea e moomia ona faatino e tagata o loo tou nonofo faatasi?

### LEAI

Se'i vagana **ua amata** ona aliae ia i latou āuga.

Soo se tasi ua maua i āuga e moomia ona vili le Healthline, fai se siaki ma **nofo i le fale** seia:

- Maua atu iuga o se siaki e lē o aafia, **ma le**
- Tuanai ai o le 24 itula talu ona te'a āuga na latou maua ai.

E tatau i le tagata ua maua i āuga ona faamamao ese mai isi o loo latou nonofo faatasi pe a mafai.

**Nofo i le fale seia maua atu iuga o le siaki na fai ma faamaonia ai e te lē o aafia. Nofo i le fale pe afai ua aliae ia te oe āuga nei. Nofo i le fale seia e malosi lelei.**

Vili le Healthline pe afai ua e maua i āuga poo se fautuaga o e moomia: Vili le 0800 358 5453. Afai ua faafaigata ona e mānava, vili se ambulance: Vili le 111.